

ՆԵՐՔԻՆ ՏԵՍՈՒԹԻՒՆ

Բարձրագոյն հրաման հայ-լուսաւորչական եկեղեցու կաշուածների մասին: — „Правит. Вѣст.“ հաղորդագրութիւնն այդպէս խրով:— Կարգադրութիւն հայ-լուսաւորչականների երդման մասին:— Ժողովրդական լուսաւորութեան մի-նիստի շրջաբերականը աշակերտների մէջ դիւցիսպիւնացի անկման մասին:— Առեւտրական ուսումնարանների մէջ մի քանի փոփոխութիւններ:— Պետե-րուզի քաղաքային ինքնաշարժութեան նոր կանոնադրութիւնը:— Գործարանա-կան ծեսուչների կախումը ներքին գործերի մինիստրութիւնից:— Կարգադրու-թիւն քանոնադրական աւագների մասին:— Դրամական նպաստ Անդրկովկասում ոռոսաց եկեղեցիներին:— Ռուսաց դպրոցներ Ֆինլանդիայում:— Հողային կրե-դիտի յատուկ կողմեստ:— Քուրայիսի նաւ. ազնւակ. վերադարձուած գու-մարներ:— Դրամական նպաստ ոռոս գաղթականներին:— Բորչալուի գիւղացինե-րի խնդիրը:— Զինուորական ծառայութիւնից վերադարձող ծեղացիներ:— Բազուի եւ Թիֆլիսի դէպքերի մասին պաշտօնական հաղորդագրութիւններ:— Միխայրովս կայսերանի անցքը:— Պոլիցիական պահնդներ եւրոպ.-Ռուսաս-տանում:— Միոնիսների ժողովների եւ նպաստներ ժողովելու արգելումը:— Զան-գեզուրի հանձնագործների ժողովը:— Կարգադրութիւններ մամուլի մասին:— Վ. Գ. Կորոլենկի ծննդեան յիսնամեակը:— Դ. Մ. Ֆիլիպպով:— Դ. Գ. Տասեան:

Բարձրագոյն հրաման Ռուսաստանի հայ-լուսաւորչական եկեղեցու կաշուածներին վարչութեան կենտրոնացման մասին կառավարչական հիմնարկութիւնների տեսչութեան մէջ և վերոյիշեալ եկեղեցու ժողովրդական լուսաւորութեան մինիստրութեան տեսչութեանը յանձնուելիք միջոցներ և գորքերի մասին, որոնցով ապահովուած էր հայ-լուսաւորչական եկեղեցական դպրոցները գոյու-թիւնը:

Թագաւոր Կայսրը մինիստրների կողմիտեւ որոշման հա-մեմատ՝ Ռուսաստանի հայ-լուսաւորչական եկեղեցու կաշուած-ների վարչութիւնը կառավարչական հիմնարկութիւնների տես-չութեան մէջ կենտրոնացնելու մասին և վերոյիշեալ եկեղեցու

ժողովրդական լուսաւորութեան մինիստրութեան տեսչութեանը յանձնուելիք միջոցների և կալուածների մասին, որոնցով ապահովոււմ էր հայ-լուսաւորչական եկեղեցական դպրոցների գոյութիւնը, 1903 թիւ յունիսի 12-ին Բարձրագոյն հրամայել բահածեց.

1. Հայ-լուսաւորչական եկեղեցու կալուածների յանձնումը պատշաճաւոր մինիստրութիւնների տեսչութեանը և վարչութեանը իրազորեւ հետեւալ հիմունքներով.

1) Հայ-լուսաւորչական եկեղեցիներին, վանքերին, հոգևոր հաստատութիւններին և հոգևոր դպրոցներին պատկանող բոլոր անշարժ կալուածները, ներքոյ յիշած (յօդ. 2 և նրա ծանօթութիւնը) բացառութիւններով, յանձնել առանձին հաստատած կանոններով որոշած կարգով այդ դաւանութեան հոգևորականութեան հոգևոր հաստատութիւնների վարչութիւնից երկրագործութեան և պետական կալուածների մինիստրի տեսչութեան, իսկ վերոյիշեալ հիմնարկութիւններին պատկանող դրամագլուխները յանձնել ներքին գործերի մինիստրի տեսչութեանը, պահպանելով հայ-լուսաւորչական եկեղեցու սեփականութեան իրաւունքները այդ կալուածների և դրամագլուխների վրայ:

2) Երկրագործութեան և պետական կալուածների մինիստրի տեսչութեանը պէտք է ենթարկուեն հայ-լուսաւորչական եկեղեցու հետեւալ կալուածները.

ա) Թէ բնակութիւն ունեցող և թէ անբնակ հողերը, ինչ անուն էլ ունենան և ինչ տեսակի էլ լինեն նրանք, նոյնպէս առանձին անտառները, մարգագետինները, արօտատեղերը, ձրկնորսութեան տեղերը, ջրաղացները ևայլն: Դրանից ի բաց է առնոււմ սակայն հողի այն տարածութիւնը, որի վրայ գտնուում են եկեղեցիների, վանքերի, մատուռների ևայլն շինութիւնները և այն հողերը, որոնց վրայ շինուած են առաջնորդների տները, հոգևոր հաստատութիւնները, ծխական թէ քաղաքային և գիւղական հոգևորականութեան տները և հոգևոր դպրոցների շինութիւնները, այն հողերը, որոնք գտնոււմ են եկեղեցական կամ գերեզմանոցների չրջապատերի մէջ և, վերջապէս հոգևորականութեան ձեռքում եղած ագարակային հողամասերը, որոնց վրայ գտնոււմ են այգիներ, բանջարանոցներ, արտեր ևայլն, երեք դասատիւնից ոչ աւել տարածութեամբ իւրաքանչիւր ծխական եկեղեցուն կից, որոնք չեն տրոււմ օտարի ձեռքը եկամուտ ստանալու համար:

բ) Հայ-լուսաւորչական եկեղեցիներին, հոգևորականութեանը և այդ դաւանութեան հոգևոր հիմնարկութիւններին

պատկանող աներից և շինութիւններից այն բոլորը, որոնք հարկաւոր չեն բնակութեան և հէնց իրան հոգևորականութեան և վերոյիշեալ հիմնարկութիւնների անհրաժեշտ անտեսութեան համար:

Ժանսթումթիւն, ներկայ կանոնները չեն տարածուում այն անշարժ կալուածների և դրամագլուխների վրայ, որոնք պատկանում են Ս.-Պետերբուրգ և Մոսկուա քաղաքների հայ-եկեղեցիներին:

3) Տեսչութեան վերոյիշեալ կարգին ենթարկել նոյնպէս այն կալուածները և դրամագլուխները, որոնք սրանից յետոյ որպէս նուիրատուութիւններ և կտակով թողուածներ կը ստացուեն ի նպաստ վերոյիշեալ հիմնարկութիւնների:

4) Յիշած կալուածներից ստացուող եկամուտների վերահսկողութիւնը և դրամագլուխների կառավարչութիւնը կենտրոնացնել ներքին գործերի մինիստրութեան մէջ օտար գաւառութիւնների հոգևոր գործերի ղեկարտամենտում, ուր երկրագործութեան և պետական կալուածների մինիստրը այդ կալուածների վարչութեան հաշեւտութեան հետ միասին պէտք է յանձնէ նրանցից ստացուած եկամուտները՝ իր տեսչութեան տակ առած անշարժ կալուածների վրայ դրուած բոլոր հարկերը և պարտաւորութիւնները վճարելուց և ստորև մատնացույց առած յետգցումները կատարելուց յետոյ:

Ապա ներքին գործերի մինիստրութիւնը յանձնում է այդ եկամուտները, նոյնպէս և այն գումարները, որոնք գոյացել են նրա վերահսկողութեան տակ մտած դրամագլուխների տոկոսներից, ստորև ցոյց տրուած հանումներից յետոյ, այն հոգևոր հաստատութիւններին, որոցից այդ կալուածները և դրամագլուխները ընդունուած են:

5) Անշարժ կաշքերից ստացուող եկամուտից հանուում են իւրաքանչիւր տարի տալու ա) ոչ աւել, քան 10% երկրագործութեան և պետական կալուածների մինիստրի կարգադրութեամբ՝ վերոյիշեալ անշարժ կաշքերի վարչութեան ծախսերի և յատուկ պահեստի դրամագլուխ կազմելու համար, յիշած կաշքերի արտակարգ ծախսերին բաւարարութիւն տալու՝ նրանց բարւոքման նպատակով, և բ) 5% ներքին գործերի մինիստրի կարգադրութեամբ թէ կազմելու հայ-լուսաւորչական եկեղեցական օժանդակիչ դրամագլուխ հայ-լուսաւորչական եկեղեցական հաստատութիւնների կարիքները հոգալու համար և թէ այդ եկեղեցու վարչութեան ընդհանուր պահանջների համար, այնպէս որ այդ դրամագլխի մէջ մտնի և աւելորդը վերոյիշեալ (պ. ա.) 10 %-ից:

6) Կասկածներ կամ թիւրիմացութիւններ ծագելու դէպքում այն հարցի առիթով, թէ արդեօք հոգևորականութեան և հոգևոր հիմնարկութիւնների իրաւասութեան տակ գտնուող այս կամ այն կալուածները և զրամագլուխները ենթակայ են կենտրոնացման կառավարութեան տեսչութեան մէջ, այդ հարցի վճիռը թողնում է ներքին գործերի մինիստրի լուծման:

II. Յանձնել ներքին գործերի մինիստրին ա) մշակել հիմունքներ ծախքեր անելու համար հայ լուսաւորչական եկեղեցու օժանդակ զրամագլխից՝ համաձայն այն կանոնների, որոնք գործադրում են հոռմէական կաթոլիկ հոգևորականութեան օժանդակ զրամագլխի վերաբերմամբ և իր կարծիքներն այս հարցի մասին առաջարկել ի հաստատութիւն սահմանուած կարգով, և բ) սահմանել հոգևոր հաստատութիւնների հաշւետւութեան կարգը նրանց տուած արգիւնքները ծախսելու վերաբերմամբ. 2) յանձնել երկրագործութեան, պետական կալուածքների և ներքին գործերի մինիստրներին փոխադարձ համաձայնութեամբ որոշելու ա) այն կանոնները, որոնց համաձայն հայ-լուսաւորչական եկեղեցու կալուածներն և զրամագլուխները պէտք է յանձնուեն մինիստրութիւններին և բ) այն կանոնները, որոնց համաձայն պէտք է կառավարուեն յիշած կալուածները:

Եւ III. Ի փոփոխութիւն մինիստրների կոմիտեի 1898 թւի մարտի 26-ին Բարձրագոյն հաստատուած վճռի՝ որոշել— իրաւունք տալ երկրագործութեան մինիստրներին այս կանոնադրութեան առաջին յօդուածի հիման վրայ հայ-լուսաւորչական եկեղեցու կալուածները արքունի վարչութեան մէջ ընդունելուց յետոյ՝ փոխադարձ համաձայնութեամբ՝ յայտնի կացուցանել այն գոյքերը, որոնցով ապահովուէր ժողովրդական լուսաւորութեան մինիստրութեան իրաւասութեան տակ առնուած ուսումնարանների գոյութիւնը և յետոյ՝ ա) ցոյց տալ այն գոյքերը, որոնց անհրաժեշտ է թողնել ուսումնարանների անմիջական կարիքների համար, բ) որոշել՝ համապատասխան միւս կալուածների արգիւնքի՝ այն զրամական գումարների չափը, որոնք պէտք է արուեն իւրաքանչիւր տարի ժողովրդական լուսաւորութեան մինիստրութեանը՝ յիշած ուսումնարանների պահպանութեան համար:

«Правит. Вѣстн.»-ում կարդում ենք. «Թէ ինչպէս հայ-լուսաւորչական եկեղեցու հոգևորականութիւնը կառավարում է իրան պատկանող կալուածները, զրա մասին Կովկասեան Բարձր Իշխանութեան հաւաքած տեղեկութիւններից երևաց, որ այդ վարչութիւնը չէ համապատասխանում ոչ պետական իշխանու-

թեան նպատակներին, ոչ էլ հէնց իր՝ եկեղեցու օգուտներին: Հայ-լուսաւորչական եկեղեցական դպրոցները և նրանց պատկանող գոյքերը ժողովրդական լուսաւորութեան մինիստրութեան տեսչութեանը յանձնելու մասին 1897 թւի յունիսի 2-ից և 1898 թւի մարտի 26-ից արձակուած Բարձրագոյն հրամաններից յետոյ հայ-լուսաւորչական հոգևոր երարխիայի կողմից դիմադրութիւն սկսուեց, որ արտայայտուեց նրանով, որ իր ձեռքում պահեց մի քանի կալուածներ, որոնցով պէտք է ապահովուէր դպրոցների գոյութիւնը: Դրա նման երեւոյթները վերացնելու համար անհրաժեշտ է համարուած կենտրոնացնել հայ-լուսաւորչական եկեղեցու գոյքերի վարչութիւնը կառավարչական հիմնարկութիւնների տեսչութեան մէջ: Այդ առարկայի վերաբերմամբ Մինիստրների Կոմիտեաի որոշումը արժանացաւ Բարձրագոյն հաստատութեան ներկայ տարուայ յունիսի 12-ին: Այդ օրէնքը պահպանելով հայ-լուսաւորչական եկեղեցու սեփականութեան իրաւունքը մասնաւորիչ արուած գոյքերի վրայ՝ չէ զրկում նրան ստացուող եկամուտներից այն մասում, որը ազատ կը մնայ դպրոցների պահպանութեան համար ծախսերը ծածկելուց յետոյ: Հայ-լուսաւորչական եկեղեցու կարիքները հոգալուց յետոյ ի նկատի կայ եկամուտների 50% յետ գցելու միջոցով հիմք դնել այդ եկեղեցու օժանդակիչ դրամադլխի Մի այդպիսի դրամադլխի կազմակերպութիւնը կարող է ապահովել հայ-եկեղեցու բարօրութեան կանոնաւոր զարգացումը, այն ինչ այժմ այդ դաւանութեան պատկանող նշանաւոր թւով հաստատութիւնների մէջ, որոնք ընդարձակ կալուածներ ունեն, կան շատ ծուխեր, որոնց միջոցները չափազանց սուղ են, և գիւղական հոգևորականութիւնը քիչ է ապահովուած:

Էջմիածնում ներքին գործերի մինիստրութիւնից Վեհափառ Կաթողիկոսի, նոյնպէս և Սինդդի անուան թղթեր են ըստացուած, որոնցով կառավարիչ Սենատի բացատրութեան և որոշման համաձայն պետական եւ զինուորական ծառայութեան մէջ մտնող հայերը պէտք է ոռւսերէն երդունեն: